

## **KEMPEN KIRIMAN WANG UNTUK PENDIDIKAN DI LUAR NEGERI**

### **TERMA DAN SYARAT**

“Kempen Kiriman Wang untuk Pendidikan di Luar Negeri” (“Kempen”) ini dilancarkan oleh Public Bank Berhad No. Pendaftaran Syarikat 196501000672 [6463-H] (“PBB”) dan Public Islamic Bank Berhad No. Pendaftaran Syarikat 197301001433 [14328-V] (“PIBB”). Terma dan syarat di bawah (“Terma dan Syarat”) akan mengawal Kempen ini.

#### **1. Tempoh Kempen**

- 1.1 Kempen ini akan berlangsung dari **1 Januari 2025** hingga **30 Jun 2025**, termasuk kedua-dua tarikh atau tarikh lain seperti yang ditentukan oleh PBB / PIBB (“Tempoh Kempen”).

#### **2. Kelayakan**

- 2.1 Kempen ini terbuka kepada semua individu berumur 18 tahun dan ke atas sahaja. Ini termasuk kakitangan tetap dan/atau kontrak PBB, PIBB dan Public Investment Bank Berhad (“Peserta yang Layak”).
- 2.2 Mereka yang berikut **TIDAK** layak untuk mengambil bahagian dalam Kenpen ini:
  - a) Pelanggan bukan individu iaitu keempunyaan tunggal, perkongsian, entiti korporat, persatuan, kelab, sekolah dan pertubuhan;
  - b) Orang yang tidak waras;
  - c) Orang yang telah diisytiharkan bankrap atau mempunyai prosiding guaman dalam apa juga bentuk terhadapnya; dan
  - d) Orang yang akaunnya dipegang oleh PBB dan/atau PIBB culas atau tidak disenggara dengan memuaskan seperti yang ditetapkan oleh PBB dan/atau PIBB.
- 2.3 Kempen ini diterima pakai bagi urus niaga **Pindahan Bertelegraf Asing Keluar (“FTT”)** yang dibuat melalui kaunter di mana-mana cawangan PBB dan PIBB di Malaysia sahaja.
- 2.4 Urus niaga yang dibuat melalui FTT tidak dilindungi oleh Perbadanan Insurans Deposit Malaysia.

### 3 Mekanisme Kempen

- 3.1 Peserta yang Layak akan menikmati **kadar pertukaran asing keutamaan** yang lebih rendah daripada kadar kaunter semasa apabila membuat kiriman ke luar negeri dalam mata wang asing seperti **Dolar Australia (AUD), Pound Britain (GBP), Dolar AS (USD)** dan **Dolar New Zealand (NZD)** untuk tujuan pendidikan.

### 4 Terma dan Syarat Am

- 4.1 Dengan mengambil bahagian dalam Kempen ini, Peserta yang Layak bersetuju untuk terikat dengan Terma dan Syarat ini dan terma dan syarat yang mengawal FTT (termasuk apa-apa pindahan, perubahan dan/atau semakan semula terma dan syarat tersebut). Sekiranya terdapat ketidakseragaman antara Terma dan Syarat ini dan terma dan syarat yang mengawal FTT, Terma dan Syarat ini akan diterima pakai bagi tujuan Kempen ini.
- 4.2 Peserta yang Layak mengakui dan bersetuju bahawa rekod urus niaga yang disenggara oleh PBB dan PIBB dan keputusan PBB dan PIBB berkaitan dengan apa-apa perkara mengenai Kempen ini adalah muktamad, konklusif dan mengikat ke atas mereka. PBB dan PIBB tidak akan melayani apa-apa rayuan atau surat-menyurat daripada mana-mana Peserta yang Layak dan/atau pihak ketiga berkaitan dengan apa-apa perkara mengenai Kempen ini.
- 4.3 Peserta yang Layak bersetuju dan memberi keizinan kepada PBB dan PIBB untuk memproses, mengumpul, menggunakan dan menyimpan semua maklumat Peserta yang Layak yang diberi dalam borang kiriman wang tersebut bagi tujuan Kempen ini.
- 4.4 PBB dan PIBB tidak akan dipertanggungjawabkan mahupun menerima apa-apa liabiliti dalam apa juga bentuk dan walau bagaimana sekali pun yang timbul atau dialami oleh Peserta yang Layak dan/atau pihak ketiga sama ada disebabkan secara langsung atau tidak langsung daripada Kempen ini kecuali disebabkan oleh kecuaiian atau salah laku yang disengajakan oleh PBB atau PIBB secara khusus berkaitan dengan Kempen ini.
- 4.5 PBB dan PIBB tidak akan bertanggungjawab bagi apa-apa salah tafsiran atau salah gambaran fakta oleh pihak ketiga yang tidak dibenarkan berkaitan dengan Kempen ini yang ditawarkan dan/atau disiarkan dalam mana-mana media massa, bahan pemasaran atau pengiklanan.

- 4.6 Sejauh mana dibenarkan oleh undang-undang, PBB dan PIBB secara nyata mengecualikan dan menolak apa-apa representasi, waranti atau pengesahan, secara nyata atau tersirat, bertulis atau lisan, tanpa penghadan terhadap apa-apa yang diterbitkan dalam media massa, bahan pemasaran atau pengiklanan, berkaitan dengan Kempen ini.
- 4.7 Sekiranya terdapat ketidakseragaman antara Terma dan Syarat ini dengan apa-apa bahan pengiklanan, kempen, promosi, publisiti dan bahan lain berkenaan atau berkaitan dengan Kempen ini, Terma dan Syarat ini akan diterima pakai.
- 4.8 PBB dan PIBB berhak untuk:
- a) membuat penambahan, memotong atau mengubah Terma dan Syarat ini, dari semasa ke semasa, sepenuhnya atau sebahagiannya, dengan memberi notis awal selama dua puluh satu (21) hari kalendar terlebih dahulu kepada Peserta yang Layak melalui penulisan dalam laman web PBB / PIBB, mempamerkan notis di cawangan PBB / PIBB atau kaedah lain yang akan ditentukan oleh PBB / PIBB dari semasa ke semasa dan pindaan Terma dan Syarat tersebut akan diterima pakai bagi apa-apa peruntukan atau representasi yang terkandung dalam apa-apa bahan promosi yang mengiklankan Kempen ini;
  - b) membatalkan, menarik balik, menggantung atau menamatkan Kempen ini sebelum Kempen ini tamat, sepenuhnya atau sebahagiannya, dengan memberi notis awal selama dua puluh satu hari (21) hari kalendar terlebih dahulu kepada Peserta yang Layak melalui penulisan dalam laman web PBB / PIBB, mempamerkan notis di cawangan PBB / PIBB atau apa-apa kaedah lain yang akan ditentukan oleh PBB / PIBB dari semasa ke semasa. Bagi mengelakkan keraguan, apa-apa pembatalan, penarikan balik, penggantungan atau penamatan tersebut tidak akan melayakkan Peserta yang Layak untuk apa-apa tuntutan atau ganti rugi terhadap PBB / PIBB bagi mana-mana dan semua kerugian atau ganti rugi yang ditanggung atau dialami oleh Peserta yang Layak sama ada secara langsung atau tidak langsung berikutan pembatalan, penarikan balik, penggantungan atau penamatan tersebut.
- 4.9 Terma dan Syarat ini akan dikawal dan ditafsir menurut undang-undang Malaysia dan Peserta yang Layak bersetuju untuk mematuhi bidang kuasa bukan eksklusif mahkamah di Malaysia.

- 4.10 Peserta yang Layak boleh membaca Notis Kerahsiaan PBB / PIBB yang menyatakan bagaimana PBB / PIBB menggunakan maklumat Peserta yang Layak dalam laman web PBB / PIBB atau di mana-mana cawangan PBB / PIBB.

\*\*\*\*\*  
Ruang Selebihnya Pada Muka Surat Ini Sengaja Dibiarkan Kosong  
\*\*\*\*\*